



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

ა(ა)იპ სტეფანწმინდის წმინდა ილია მართლის სახელობის
სკოლა-გიმნაზიის პედაგოგიური საბჭოს დებულება

დამტკიცებულია

ა(ა)იპ სტეფანწმინდის წმინდა ილია მართლის
სახელობის სკოლა-გიმნაზიის დირექტორის
ბრძანება № 58 01.08.2024 წ

2024 წ



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

სარჩევი

მუხლი 1. ზოგადი დებულება	3
მუხლი 2. ტერმინთა განმარტება	3
მუხლი 3. პედაგოგიური საბჭოს შემადგენლობა	3
მუხლი 4. პედაგოგიური საბჭოს მოწვევა	3
მუხლი 5. პედაგოგიური საბჭოს უფლებამოსილება	4
მუხლი 6. პედაგოგიური საბჭოს თავმჯდომარე/მდივანი	4
მუხლი 7. პედაგოგიური საბჭოს მიერ გადაწყვეტილების მიღება	5
მუხლი 8. პედაგოგიური საბჭოს საქმისწარმოების წესი	5
მუხლი 9. ცვლილებები და დამატებები	5



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

მუხლი 1. ზოგადი დებულება

- 1.1 ა(ა)იპ სტეფანწმინდის წმინდა ილია მართლის სახელობის სკოლა-გიმნაზიის (შემდგომში-სკოლა-გიმნაზია) პედაგოგიური საბჭოს დებულება შემუშავებულია „საქართველოს კანონი ზოგადი განათლების შესახებ“ საფუძველზე;
- 1.2 პედაგოგიური საბჭო არის სკოლა-გიმნაზიის მასწავლებელთა თვითმმართველობის ორგანო;
- 1.3 სკოლა-გიმნაზიის პედაგოგიური საბჭოს დებულებას უმრავლესობის გადაწყვეტილებით იღებს პედაგოგიური საბჭო და ამტკიცებს სკოლა-გიმნაზიის დირექტორი;
- 1.4 სკოლა-გიმნაზიის პედაგოგიური საბჭო თავის საქმიანობას ახორციელებს კრების მეშვეობით „საქართველოს კანონი ზოგადი განათლების შესახებ“ და სკოლა-გიმნაზიის შიდა აქტებზე დაყრდნობით.

მუხლი 2. ტერმინთა განმარტება

2.1 წინამდებარე დებულებაში გამოყენებულ ტერმინებს აქვს შემდეგი მნიშვნელობა:

- ა) პედაგოგიური საბჭო - სკოლა-გიმნაზიის მასწავლებელთა თვითმმართველობის ორგანო;
- ბ) პედაგოგიური საბჭოს წევრი - მასწავლებელი/მასწავლებლობის მაძიებელი, რომელთანაც შრომითი ხელშეკრულება აქვს გაფორმებული სკოლა-გიმნაზიას, დამრიგებლები;
- გ) პედაგოგიური საბჭოს თავმჯდომარე - პირი, რომელიც აირჩევა პედაგოგიური საბჭოს შემადგენლობიდან და ხელმძღვანელობს პედაგოგიურ საბჭოს;
- დ) პედაგოგიური საბჭოს მდივანი - პედაგოგიური საბჭოს წევრი, რომელიც აირჩევა პედაგოგიური საბჭოს შემადგენლობიდან;
- ე) პედაგოგიური საბჭოს ოქმი - ოფიციალური დოკუმენტი, სადაც შეიტანება პედაგოგიური საბჭოს გადაწყვეტილებები.

მუხლი 3. პედაგოგიური საბჭოს შემადგენლობა

- 3.1 პედაგოგიური საბჭო არის სკოლა-გიმნაზიის პედაგოგთა თვითმმართველობის ორგანო;
- 3.2 პედაგოგიურ საბჭოში გაერთიანებულია სკოლა-გიმნაზიის ყველა მასწავლებელი/ მასწავლებლობის მაძიებელი და დამრიგებელი.

მუხლი 4. პედაგოგიური საბჭოს მოწვევა

- 4.1 პედაგოგიური საბჭოს სხდომის მოწვევა ხდება სასწავლო წლის განმავლობაში არანაკლებ 3-ჯერ, სკოლა-გიმნაზიის დირექციის ან/და პედაგოგიური საბჭოს თავმჯდომარის მიერ;



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

- 4.2 პედაგოგიური საბჭოს რიგგარეშე სხდომები შეიძლება მოწვეულ იქნას სკოლა-გიმნაზიის დირექტორის, პედაგოგთა არანაკლებ 1/3-ის ინიციატივითა და მშობელთა სათათბიროს მოთხოვნით;
- 4.3 პედაგოგიური საბჭო უფლებამოსილია, თუ მას ესწრება სკოლა-გიმნაზიის პედაგოგთა ნახევარზე მეტი.

მუხლი 5. პედაგოგიური საბჭოს უფლებამოსილება

- 5.1 პედაგოგიური საბჭო განიხილავს და იღებს სკოლა-გიმნაზიის მართვა-განვითარებასთან და სასწავლო პროცესთან დაკავშირებულ ყველა სამართლებრივ დოკუმენტს;
- 5.2 ამტკიცებს კლასის დამრიგებლებს და კათედრის თავმჯდომარეებს;
- 5.3 პედაგოგიური საბჭო უფლებამოსილია განიხილოს და დაამტკიცოს:
- ა) „სკოლა-გიმნაზიის“ სასწავლო გეგმა;
 - ბ) სასწავლო მასალა, მათ შორის გრიფმინიჭებული და პედაგოგების მიერ შერჩეული დამატებითი გამოსაყენებელი სახელმძღვანელოების ნუსხა;
 - გ) ინდივიდუალური სასწავლო გეგმა.
- 5.4 პედაგოგიური საბჭო განიხილავს აღმზრდელობით პროცესთან დაკავშირებულ საკითხებს, შეიმუშავებს რეკომენდაციებს და განსახილველად წარუდგენს „სკოლა-გიმნაზიის“ დირექციას;
- 5.5 პედაგოგიური საბჭო უფლებამოსილია მიიღოს გადაწყვეტილება და აღძრას საკითხი ა(ა)იპ სტეფანწმინდის წმინდა ილია მართლის სახელობის სკოლა-გიმნაზიის“ დამფუძნებლის წინაშე, სწავლების ხარისხის ამაღლების მიზნით, დამატებითი სასწავლო რესურსებისა და ღონისძიებების დაფინანსების თაობაზე.

მუხლი 6. პედაგოგიური საბჭოს თავმჯდომარე/მდივანი

- 6.1 პედაგოგიური საბჭოს თავმჯდომარე არის პირი, რომლის პოზიცია არჩეულია;
- 6.2 პედაგოგიური საბჭოს თავმჯდომარე აირჩევა პედაგოგიური საბჭოს შემადგენლობიდან, ღია კენჭისყრით, სამი წლის ვადით. თავმჯდომარედ ერთიდაიგივე მასწავლებლის არჩევა შესაძლებელია ორი ვადით;
- 6.3 პედაგოგიური საბჭოს თავმჯდომარის ფუნქციებია:
- ა) პედაგოგიური საბჭოს სხდომების დღის წესრიგის მომზადება, მოწვევა და წარმართვა;
 - ბ) პედაგოგიური საბჭოს გადაწყვეტილებებისა და რეკომენდაციების შესრულების კონტროლი;
- 6.4 პედაგოგიური საბჭოს მდივანი აირჩევა პედაგოგიური საბჭოს შემადგენლობიდან, ღია კენჭისყრით, 3 წლის ვადით;
- 6.5 პედაგოგიური საბჭოს მდივნის ფუნქციებია:
- ა) უზრუნველყოფს პედაგოგიური საბჭოს წევრების ინფორმირებას დაგეგმილი საბჭოს სხდომის ჩატარების შესახებ;



ა(ა)იპ სტეფანწმინდის წმინდა ილია მართლის სახელობის სკოლა-გიმნაზია

- ბ) აღრიცხავს პედაგოგიური საბჭოს წევრთა დასწრებას სხდომაზე;
- გ) საბჭოს სხდომის მიმდინარეობისას ინიშნავს გამომსვლელთა მოსაზრებებსა და წინადადებებს;
- დ) უზრუნველყოფს ღია კენჭისყრის ჩატარებას;
- ე) ახორციელებს პედაგოგიური საბჭოს საქმისწარმოებას;
- ვ) ასრულებს სხდომის თავმჯდომარის მიერ მინიჭებულ სხვა უფლებამოსილებებს.

მუხლი 7. პედაგოგიური საბჭოს მიერ გადაწყვეტილების მიღება

- 7.1 პედაგოგიური საბჭოს ყველა წევრი სარგებლობს თანაბარი ხმის უფლებით;
- 7.2 პედაგოგიური საბჭო გადაწყვეტილებას იღებს ხმების უმრავლესობით. ხმების თანაბრად გაყოფის შემთხვევაში გამამყვეტი სიტყვა ეკუთვნის პედაგოგიური საბჭოს თავმჯდომარეს. თუ პედაგოგიური საბჭოს თავმჯდომარე არ ეთანხმება პედაგოგიური საბჭოს გადაწყვეტილებებს მას უფლება აქვს ვეტო დაადოს გადაწყვეტილებას და მოითხოვოს საკითხის სხვა დროს განმეორებით განხილვა. განმეორებით საკითხის განხილვისას გადაწყვეტილების მიუღებლობის შემთხვევაში საკითხზე ერთპიროვნულ გადაწყვეტილებას ღებულობს სკოლა-გიმნაზიის დირექტორი;
- 7.3 პედაგოგიური საბჭოს გადაწყვეტილებებისა და რეკომენდაციების შესახებ ინფორმაცია უნდა მიეწოდოს სკოლა-გიმნაზიის დირექტორს 2 დღის ვადაში.

მუხლი 8. პედაგოგიური საბჭოს საქმისწარმოების წესი

- 8.1 პედაგოგიური საბჭო აწარმოებს თავისი სხდომების ოქმებს, რომლებიც აღირიცხება პედაგოგიური საბჭოს ოქმების წიგნში;
- 8.2 პედაგოგიური საბჭოს ოქმები საბჭოს ჩატარებიდან არაუგვიანეს 5 სამუშაო დღისა წარედგინება სკოლა-გიმნაზიის დირექტორს. ყოველ ოქმში აღინიშნება თარიღი და ნომერი, დამსწრეთა სახელი და გვარი, სხდომის დღის წესრიგი, ოქმს ხელს აწერს პედაგოგიური საბჭოს თავმჯდომარე და მდივანი;
- 8.3 პედაგოგიური საბჭოს ოქმების წიგნი ინახება სკოლა-გიმნაზიის დირექციის საქმისწარმოებელთან.

მუხლი 9. ცვლილებები და დამატებები

- 9.1 სკოლა-გიმნაზიის პედაგოგიური საბჭოს ღებულებაში ცვლილებები და დამატებები ხორციელდება პედაგოგიური საბჭოს მიერ;
- 9.2 ცვლილებები და დამატებები მიიღება ღია ან დახურული კენჭისყრით;
- 9.3 გადაწყვეტილება მიღებულად ჩაითვლება, თუ მას მხარი დაუჭირა პედაგოგიური საბჭოს შემადგენლობის ნახევარზე მეტმა.